

韓國所藏《杭州西湖昭慶寺結蓮社集》及其文獻價值

金程宇*

<目次>

1. 前言
 2. 《杭州西湖昭慶寺結蓮社集》簡介
 3. 入社詩作者介紹
 4. 入社詩人員構成及其文獻價值
- 附：《相國向公諸賢入社詩》校錄

1. 前言

省常(959—1020)的西湖白蓮社為目前可以考知的宋代最早的詩社，當時曾結集，《秘書省續編到四庫闕書目》著錄過《西湖蓮社集》一卷，惜國內已無傳本。長期以來，學界對省常主盟的西湖蓮社的具體情形，如參加的成員、人數、詩作內容等，皆不得其詳，頗以為憾¹⁾。幸運的是，《西湖蓮社集》並沒有完全亡佚，其殘本尚存韓國，題名為“杭州西湖昭慶寺結蓮社集”。日本學者佐藤成順先生最早撰文進行了介紹²⁾，惜此信息未能及時為國內學界瞭解，長期未見學者言及。佐藤先生主要從佛教角度進行研究，頗為深入，實際上該書的文學文獻價值，同樣值得重視。

* 南京大學 中國語科 教授。

1) 祝尚書，《宋初白蓮社考論》，《文獻》，1995年第三期。歐陽光，《宋元詩社研究叢稿》，“釋省常西湖白蓮社”(廣東高等教育出版社，1996年版)。池澤滋子，《丁謂研究》，第五章第二節“丁謂與西湖白蓮社”(巴蜀書社，1998年版)。祝尚書，《宋人總集彙錄》(附錄“散佚宋人總集考·西湖蓮社集”)(中華書局，2004年版)。

2) 《大正大學大學院研究論集》第二十一號(1999)，錄文見佐藤成順，《宋代佛教研究元照的淨土教》(山喜房佛書林，2003年版)。

2. 《杭州西湖昭慶寺結蓮社集》簡介

據佐藤成順先生介紹，該書為增上寺法王藤堂恭俊先生得自某韓國留學僧，由於藤堂先生已經過世，此書線索一度中斷，該書具體所在未詳。然此書為早期傳入韓國者，當無疑問。筆者旅日期間曾專程拜訪過佐藤誠順先生，得見該書之複印本，其形態如下：封面楷書“結淨社集”、行楷“蓮邨藏”，首葉欄上墨書“結社總序”，當為收藏者“蓮邨”所書。“蓮邨藏”上鈐一圓印，內中為八角蓮花型，當即收藏者“蓮邨”之印。該印又見於該書首葉欄內二行上方該書，下方鈐一方印，惜頗為模糊，不可辨識。半葉八行，行十六、十七字不等。雙行小注。左右雙欄，版心有“集”、“詩”字樣，有葉數。開篇《錢塘西湖昭慶寺結淨社集總序》字體為柳體，此後篇章皆為顏體。關於該書屬何版本，筆者曾向上海圖書館陳先生請教，陳先生據筆鋒認為該書為抄本，筆者複檢該書詩文落款，字體大小不一，亦可支持陳先生之說。在未見原本的情況下，究竟是刊本抑或抄本，姑付闕疑，暫不予以討論。

該書所收內容為：

錢塘西湖昭慶寺結淨社集總序(太常博士通判信州騎都尉錢易)

翰林學士承旨蘇公施經序(施華嚴經淨行品序/翰林學士承旨中書舍人蘇易簡述)

翰林學士承旨宋公結社碑銘(大宋杭州西湖昭慶寺結社碑銘並序/翰林學士承旨通奉大夫尚書吏部侍郎知制誥修國史判昭文館兼開封府事上柱國廣平郡開國侯食邑一千三百戶賜金魚袋宋白撰)

密學大諫丁公群賢詩序(西湖結社詩序/樞密直學士權三司使右諫議大夫丁謂撰)

相國向公諸賢入社詩(光祿大夫尚書兵部侍郎平章事上柱國向敏中)

紫薇舍人孫公結社碑陰

其中錢易總序署大中祥符二年(1009)，蘇易簡序署淳化二年(991)，宋白碑銘作於淳化元年(990)，丁謂詩序作於景德三年(1006)，孫何(961—1004)碑陰未

署年，然必作於景德元年(1004)之前。以上數文，錢總序最後完成，當即《杭州西湖昭慶寺結蓮社集》編成之時間。入社詩之結集，可以丁謂序爲斷，即景德三年時已經編成。書中所收詩作，其時限當在淳化元年至景德三年之間。

此書末未見《紫薇舍人孫公結社碑陰》，可知本書已缺損不全。儘管如此，這一殘本仍使我們得窺全書之基本面貌，彌足珍貴。此書詩文兼收，文的部分具載於《樂邦文類》等書，其中所收《相國向公諸賢入社詩》卻是前所未見的新資料，正是《咸淳臨安志》卷七九所提到的昭慶寺已燒毀之古刻“入社詩”，令人興奮不已。

3. 入社詩作者介紹

將入社詩作者羅列如下(括弧爲《全宋詩》作者所在的冊、頁數)：

1. 光祿大夫行尚書省兵部侍郎平章事上柱國
向敏中(1/592)
2. 工部尚書參知政事
李至(1/553)
3. 光祿大夫行尚書兵部侍郎參知政事上柱國
王化基(1/506)
4. 兵部侍郎參知政事
王旦(2/839)
5. 淨行弟子給事中參知政事
蘇易簡(2/848)
6. 翰林學士承旨禮部尚書知制誥修國史
宋白(1/280)

7. 給事中同知樞密院事
陳堯叟(2/983)
8. 右諫議大夫同知樞密院事
錢若水(2/974)
9. 翰林學士中書舍人修國史
宋湜(1/595)
10. 翰林學士右諫議大夫知制誥
梁顥(2/1077)
11. 翰林學士庫部郎中知制誥賜紫金魚袋
朱昂(1/191)
12. 度支使右諫議大夫
梁鼎(2/818)
13. 翰林侍讀學士右諫議大夫
(潘)慎修(1/293)
14. 翰林侍讀學士工部郎中賜紫金魚袋
呂文仲(1/596)
15. 樞密直學士權三司使祠部郎中賜紫金魚袋
劉師道(2/982)
16. 淨行弟子給事中知杭州軍府事
張去華(1/298)
17. 朝奉大夫給事中上柱國賜紫金魚袋
呂祐之(1/579)
18. 朝散大夫右諫議大夫知杭州軍府事賜紫金魚袋
薛映(1/604) 2首
19. 左諫議大夫賜紫金魚袋
陳省華(1/451)
20. 右諫議大夫賜紫金魚袋

- 馮起
21. 右諫議大夫充使館修撰判館事
田錫(1/455)
 22. 右諫議大夫賜紫金魚袋
牛緬
 23. 起居舍人知制誥賜紫金魚袋
李宗諤(2/1137)
 24. 左司諫知制誥賜紫金魚袋
楊億(3/1319)2首
 25. 刑部員外郎知制誥賜紫金魚袋
丁謂(2/1143)
 26. 水部員外郎知制誥同判吏部流內銓
和(山+蒙)(1/603)
 27. 金州觀察使特進檢校太傅判知州
錢儼(1/293)
 28. 三司戶部副使水部員外郎賜紫金魚袋
崔端(2/830)
 29. 光祿少卿直密閣上柱國
黃夷簡(1/272)
 30. 兩浙轉運使起居舍人直史館
姚鉉(2/1176)
 31. 兩浙轉運使起居舍人直史館
孫何(2/978)
 32. 刑部郎中知揚州賜紫金魚袋
王禹偁(2/653)
 33. 金部郎中直昭文館賜紫金魚袋
安德裕(1/454)
 34. 度支郎中知蘇州賜紫金魚袋
裴莊
 35. 主客郎中知湖州賜紫金魚袋
謝心(1/597)
 36. 工部郎中直史館賜緋魚帶
宋鎬
 37. 弟子屯田郎中賜紫金魚袋
楊延慶
 38. 屯田郎中通判杭州賜緋魚袋
李韶(1/251)
 39. 尚書水部郎中公
孫旦(4/2693)
 40. 門弟子水部郎中知湖州賜紫金魚袋
杜惟一
 41. 門弟子司門郎中致仕賜紫金魚袋
胡承兗
 42. 京西轉運使工部郎中賜紫金魚袋
康戩
 43. 左司諫賜紫金魚袋
張賀
 44. 右司諫通判餘杭軍事
錢熙(1/636)
 45. 戶部員外郎直史館賜紫金魚袋
曾致堯(1/579)
 46. 刑部員外郎直史館賜緋魚袋
張復(2/977)
 47. 江南轉運使刑部員外郎直史館賜紫金魚袋

- 陳靖(1/586)
48. 門弟子刑部員外郎知衢州賜緋魚袋
席義叟(2/834)。
49. 淨行弟子祠部員外郎通判杭州賜緋魚袋
張覃
50. 祠部員外郎通判杭州賜緋魚袋
張肅³⁾
51. 都官員外郎密閣校理掌起居舍人事
吳淑(1/577)
52. 弟子都官員外郎賜緋魚袋
張振
53. 工部員外郎直史館賜緋魚袋
朱台符(2/1136)
54. 比部員外郎衢州賜緋魚袋
阮思道(1/197)
55. 主客員外郎直集賢院賜緋魚袋
李建中(1/510)2首
56. 屯田員外郎判三院事
杜夢征
57. 度支判官左正言直史館
趙況(3/1723)
58. 屯田員外郎賜緋魚袋
李虛己(2/844)
59. 比部員外郎賜緋魚袋
竇元賓
60. 虞部員外郎賜緋魚袋

- 馮亮
61. 門弟子虞部員外郎賜緋魚袋
趙幹
62. 水部員外郎賜緋魚袋
劉象
63. 太常博士諸路都大提點賜緋魚袋
榮宗範
64. 監察御史知撫州賜緋魚袋
崔憲
65. 太常博士通判杭州事
張岐
66. 太常丞直集賢院賜緋魚袋
梅詢(2/1116)
67. 太常博士通判湖州
何敏中
68. 太常博士賜緋魚袋
李易直
69. 監察御史賜緋魚袋
艾仲儒
70. 弟子秘書丞
梁昭璉
71. 太常丞
徐口
72. 殿中丞賜緋魚袋
趙稹
73. 殿中丞直南康軍事賜緋魚袋
方演

3) 《全宋詩》(4/2316)所收張肅，存世時間過晚，與此當非一人。

74. 殿中丞賜緋魚袋
張瓘
75. 弟子殿中丞知韶州
龔綬
76. 光祿寺丞直史館之睦州
張庶凝
77. 掌秘閣三館書籍兼兵吏部僉署起居院事
裴愈(3/1720)
78. 著作佐郎判洪州
崔拱
79. 濟陽
丁遜
80. 著作佐郎
李見素
81. 舊交守棘丞
樂良
82. 著作郎
潘金庭
83. 前進士
鄭載
84. 前進士
葛昭華
85. 杭州節度推官
陸曠
86. 蘇台從事
程瓘
87. 前進士

- 段惟慶
88. 前進士
李堪(2/1131)
89. 新城縣令
孫珽
90. 龍游縣令
呂士安

4. 入社詩人員構成及其文獻價值

這一入社詩殘本使我們對參加淨土社的人員構成有了具體的認識。今存入社者凡90人⁴⁾，上自宰相，下至縣令，均有入社之詩。丁謂《西湖結社詩序》云：“三公四輔，宥密禁林，西垣之辭人，東觀之史官，泊台省素有稱望之士，鹹寄詩以爲結社之盟文”，確非虛語。

孫何的《白蓮社記》曾列舉了入社人員十九名，均書以官職、郡望，頗有難以查考者。祝尚書先生曾對之加以考察(下簡稱“祝考”)，頗爲精審，然仍有數人未詳或有誤。今據此新材料，多可成定讞。其中夕拜東平呂公，即17呂祐之。密諫潁川陳公，按，“密諫”乃樞密直學士與諫議大夫連稱，此人當即7陳堯叟。紫微郎趙郡李公，即23李宗諤。工部侍郎致仕沛國朱公，祝考疑爲朱昂，按，此說是。亦有所考有誤者，如大諫始平馮公，祝考作馮伉，按“大諫”即諫議大夫之別稱，當即20馮起。

4) 關於公卿入社的人數，智圓《白蓮社主碑文》云：“宰衡名卿，邦伯牧長，……三十餘年，爲莫逆之交，預白蓮之侶者，凡一百二十三人”。《佛祖統記》卷四三淳化二年條云：“宰相王旦爲之首，參政蘇易簡百三十二人(當爲一百二十三人之誤)，一時士夫，皆稱淨行社弟子。”

則官員入社人員總數爲一百二十三，與慧遠白蓮社入社人員數相同。這一人數，似乎還是依據入社詩所作的統計。因此，筆者更傾向於《相國向公諸賢入社詩》所收總數爲一百二十三人的看法，惜無明證。

現存92首詩，其中王禹偁詩見其本集⁵⁾，其他91首詩皆為佚詩，可補《全宋詩》之闕。這些詩人多在北宋政治、文學等方面佔有重要地位，除個別詩人外，《全宋詩》、《全宋詩訂補》所收詩作均甚少。姑以收入該詩人五首以內的，舉例如下：

- A. 僅存一首(含僅存殘句)的，為13潘慎修、16張去華、20馮起、26和(山蒙)、27錢儼、28崔端、29黃夷簡、33安德裕、38李韶、39孫旦、46張復、57趙況、77裴愈。
- B. 僅存二首(含殘句)的，為3王化基、12梁鼎、14呂文仲、17呂祐之、35謝泌、47陳靖、51吳淑、53朱台符、54阮思道(1/197)。
- C. 僅存三首的，為4王旦(2/839)、9宋湜(1/595)、10梁顥(2/1077)、11朱昂(1/191)。
- D. 僅存五首(含殘句)的，為5蘇易簡、8錢若水、30姚鉉、44錢熙。

部分詩人如李韶、孫旦、席義叟、裴愈等，雖然《全宋詩》已收入，但其傳記材料極為貧乏，皆可據本書結銜增補小傳，可見該書不僅可據以補遺，尚具有相當高的史料價值。

佚詩作者有40餘人不見《全宋詩》，顯得格外珍貴。其中特別一提的是42康戩的佚詩。按，康戩(?—1006)，字休祐，高麗信州永寧人(《宋史》卷四八七)。太平興國五年登進士第。太宗時知峽州，詔褒其能(《大清一統志》卷二七三)。至道三年任關東轉運使(《宋史》卷六三)。咸平五年九月以兵部員外郎知秀州(《會稽志》卷三)。又曾為轉運使加工部郎中賜金紫(《宋史》卷四八七)。康戩去世時，詔封其子康希齡為奉禮郎，且給俸終喪。(《續資治通鑒長編》卷六二)，可見對其之恩崇。其登第、任職乃至去世，均在宋朝。這首佚詩是康戩唯一傳世的作品，同時也是一則入宋高麗文人的重要史料，彌足珍貴。

5) 《小畜集》卷十，題作《寄杭州西湖昭慶寺華嚴社主省上人》(《全宋詩》卷六六，第757頁)。該詩徐規先生《王禹偁事蹟著作編年》系於至道二年春夏間知衢州任內，然孫何《白蓮社記》云王禹偁入社在揚州，祝尚書先生《宋初白蓮社考論》據之，推測“寄詩當在至道二年十二月”，今《結社詩》王詩署“刑部郎中知揚州賜紫金魚袋王禹偁”，則以祝說為是。

省長結社之動機，智圓《白蓮社主碑文》云：“公每顧門人曰：國初以來，薦伸先生，宗古為文，大率學退之之為人，以擠排釋氏為意，故我暇遠公之跡，詠以結社事，往往從我化，而叢碑委頌，稱道佛法，以為歸向之盟辭，適足以枳棘異途，牆塹吾教矣。”可見，從一開始，省常結社本身就是針對文學界排佛的現狀，希望通過對慧遠蓮社的效法和吟詠，來緩解儒釋矛盾的。因此，在十八比丘、一千大眾之外，朝廷縉紳實是他的主要招徠對象。省常的能詩，西湖的秀麗風光，慧遠的文人美談，均吸引著朝廷官卿的入社。王旦、蘇易簡等高官入社詩文的創作，對之更是起到了推波助瀾的作用。現存入社詩的宗教色彩並不濃厚，歷時十餘年，參與人數至少在九十人左右，這些作品的創作動機，多數是“以王謝之名位，慕宗雷之風猷”(孫何《白蓮社記》)，主題不外乎“置意空寂，投跡無何，雖軒冕其身，而林泉其心。”這些都為將西湖蓮社定為一個文學社團提供了具體的依據。

入社詩可使我們深化對省常白蓮社的認識。以往學界提到西湖蓮社，雖然從文學的角度認為它可劃為詩社範圍，只是由於當時未見入社詩，只能得出較籠統的認識。現在大量入社詩的重現，使我們可以對之具體加以討論了。

比如入社詩的作者是否具有淨土信仰的問題，即可由入社詩之署名約略窺見。在前列署名之中，自稱“淨行弟子”的有5蘇易簡、16張去華、49張覃；稱“弟子”的，有37楊延慶、52張振、70梁昭璉、75龔綬；稱“門弟子”的，有40杜惟一、41胡承克、48席義叟、趙幹，共十一人。可見入社人員中，真正具有淨土信仰的只是少數。

又如省常結社的詩歌唱和活動，也可通過新發現的入社詩增加不少瞭解。丁謂《西湖結社詩序》提到省常“貽詩京師，以招卿大夫”，入社詩中不少詩涉及此點，如“好詩相寄許相親”(劉師道)、“白蓮社結浙江阜，社主詩來誘我曹”(裴莊)、“詩成雪夜招卿相”(楊延慶)、“招士寄清吟特貽佳什見招，故有是句”(康戩)等。部分詩作涉及到入社詩的規模和傳播形式，如“詩牌盈壁盡名賢”(張去華)、“相識公卿皆入社，旋吟章句已成編”(張去華)、“篆石待刊名士記，粉牌多掛達官詩”(丁遜)、“珍貴時賢樂香社，唱酬詩句滿人間”(陸曠)、“詩多傳館閣，琴愛借公卿”(段惟慶)、“麗藻新詞傳北闕，白蓮舊社結西湖”(李堪)，可知西湖昭慶寺曾將公卿入社

詩以“詩牌”的形式懸掛寺中，以擴大影響，招徠更多的入社人員。《全宋詩》未載省常詩，然宋白《大宋杭州西湖昭慶寺結社碑銘並序》云其“爲詩甚工，湯休、皎然，不相上下”，這些唱和詩中常以“好詩”（劉師道）、“清吟”（康戩、姚鉉）、“麗藻新詞”（李堪）等語像推許，從側面反映了省常詩的藝術成就。

總之，韓國所藏《杭州西湖昭慶寺結蓮社集》，特別是其中的《相國向公諸賢入社詩》（錄文見後），具有重要的文獻價值，應當引起文史學者的關注。

附：《相國向公諸賢入社詩》校錄

《相國向公諸賢入社詩》所收詩作，除王禹偁之作外，皆爲佚詩，茲予以校錄，以補《全宋詩》之不足。原詩題銜，有裨考證，故予以保留。詩序有時在作者題銜、姓名之前，爲方便計，一併移前。此外，對詩人生平，尤其可與詩作題銜可能對應者之官職，盡可能予以揭示。佚詩作者，《全宋詩》、《全宋詩訂補》二書所收情況作了對照，以便檢閱。

1. 光祿大夫行尚書省兵部侍郎平章事上柱國向敏中(1/592)

廬阜當年事，唯師躡後塵。遠將雲水約，來誘宦名身。有著終非牯，忘心卽是真。不知今社裏，一句許何人。

按，向敏中(949—1020)，字常之，咸平初拜兵部侍郎、參知政事，兼知樞密院事。咸平四年(1001)，以本官同平章事（《續資治通鑒長編》卷四八）。《宋史》卷二八二有傳。《全宋詩》卷五四錄其詩十一首。

2. 工部尚書參知政事李至(1/553)

聞師結香社，遠在浙江湄。何日相尋去，勞生未可期。論詩誰對榻，補納自紉絲。願比宗雷輩，禪餘寄所疑。

按，李至(947—1001)，字言幾，真定(今河北正定)人。真宗即位，拜

工部尚書參知政事（《續資治通鑒長編》卷四一、四二）。咸平元年，除武信軍節度。《宋史》卷二六六有傳。《全宋詩》卷五二至五三錄其詩二卷，《全宋詩訂補》補一首。

3. 光祿大夫行尚書兵部侍郎參知政事上柱國王化基(1/506)

淨行師常公，多慕廬山道友，結蓮社爲出塵之會。自遠永劉雷之下，凡十八人。其不得預斯會者，以謝靈運心亂、陶淵明嗜酒故也。予所幸者，心無慮焉，酒無惑焉。而又幸者，翰林主人首于前，文館學士繼于後。洎諸釋友，同入道場。雖在俗在僧，立名乃異；而事君事佛，爲善則同。載延清靜之寶，式契隆平之運。輒書長偈，用志勝因。

珍重當年結社人，白蓮高會喜重聞。去爲淨行心依佛，回作忠規力報君。塵裏虛名師似夢，世間浮事我如雲。若教疇得生平志，來此同訓鳥雀羣。

按，王化基(944—1010)，字永圖，真定(今河北正定)人。至道三年，拜參知政事（《續資治通鑒長編》卷四一）。咸平四年，以工部尚書罷政，知揚州，移知河南府，進禮部尚書。《宋史》卷二六六有傳。《全宋詩》卷四七收其詩二首。

4. 兵部侍郎參知政事王旦(2/839)

萬事茫茫豈易知，不尋禪觀欲何之。白蓮社裏終歸老，紅藥階旁預寄詩。問法支公猶早悟，棲心梵宇有前期。未休尚謝文明世，從此江山役夢思。在鳳閣日(當爲“日”)寄到

按，王旦(957—1017)，字子明，大名莘(今屬山東)人。淳化三年知貢舉。真宗即位，召爲翰林學士，咸平三年拜給事中，四年以工部侍郎參知政事。《宋史》卷二八二有傳。《全宋詩》卷七三收其詩三首。

5. 淨行弟子給事中參知政事蘇易簡(2/848)

昔年偃仰在鼇山，已覩華嚴淨行篇。詩去甘居靈運後，序成曾忝照鄰前。塵埃奔走雖無暇，香火歸依會有緣。忽覽群公蓮社集，豁然如入四禪天。

按，蘇易簡(959—997)，字太簡，梓州銅山(今四川中江東南)人，或作綿州鹽泉人。淳化四年任參知政事(《續資治通鑒長編》卷三八)，次年，以禮部侍郎出知鄧州，移陳州。《宋史》卷二六六有傳。《全宋詩》卷七四收其詩五首。

6. 翰林學士承旨禮部尚書知制誥修國史宋白(1/280)

勇猛何年願捨家，無生了了證河沙。應從古佛傳心印，來與眾生發善牙。支遁駿多憐騷駉，遠公薰在結蓮華。如逢世路文章客，爲說三車勝五車。又寄：曾許蓮華結社碑，玉堂供職未攜詞。已聞蕭寺鑿貞石，乞待新春寄遠師。

按，宋白(936-1012)，字太素，大名(今屬河北)人。至道初，爲翰林學士承旨。咸平四年，拜禮部尚書。《宋史》卷四三九有傳。《全宋詩》卷二十收詩三十首，《全宋詩訂補》補詩一首並數則殘句。

7. 給事中同知樞密院事陳堯叟(2/983)

釋妙與儒玄，何嘗有後先。識高方體奧，見極始通禪。世事齊方了，人生達即全。終當蓮社側，對語共忘筌。

按，陳堯叟(961—1017)，字唐夫，閬州閬中(今屬四川)人。咸平四年，拜右諫議大夫、同知樞密院事(《續資治通鑒長編》卷四八)。《宋史》卷二八四有傳，《全宋詩》卷八八收其詩九首。

8. 右諫議大夫同知樞密院事錢若水(2/974)

常公上人，結香社於西湖。因寄拙詩一章。爲他年入社之約。侍從冕旒雖有幸，訂謀帷幄愧無能。會辭北闕垂衣主，去伴西湖結社僧。已學莊周齊一馬，終陪宗炳論三乘。憑師預掃林間路，他日相容仗瘦藤。

按，錢若水(960—1003)，字澹成，一字長卿，河南新安(今屬河南)人。至道元年(995)，以右諫議大夫同知樞密院事。真宗即位，加工部侍郎，充集賢殿學士、判院事。《宋史》卷二六六有傳。《全宋詩》卷八八收其詩五首。

9. 翰林學士中書舍人修國史宋湜(1/595)

常公上人，空門之達者也。以華嚴淨行品，爲結社之本，其事具于小宗伯蘇公之序。謂予夙有信心，亦蒙化導，因成七言四韻詩，以伸紀贈。刺身血寫華嚴品，爲證真空淨行因。善誘世人同結社，徧知心地本無塵。夜船修疏孤燈盡，雪屋安禪瀑布鄰。我有掛冠前約在，此生應得似遺民。

按，宋湜(950—1000)，字持正，京兆長安(今陝西西安)人。至道元年(995)，拜翰林學士，兼修國史。真宗即位，拜中書舍人。咸平元年(998)，改給事中、充樞密副使。《宋史》卷二八七有傳。《全宋詩》卷五四收其詩三首。

10. 翰林學士右諫議大夫知制誥梁顥(2/1077)

端直無邪曲，儒釋爲季孟。洞達無障礙，今古相輝映。學海濟淵深，法界通遼揚。到岸不須舟，入室何勞徑。夙探華嚴旨，頗現菩提性。動施方便力，期臻具足行。無著任虛空，有象離喧競。白雲物外浮，明日波間瑩。寶地絕塵埃，慈航遠泥濘。勤修大仙道，普救衆生病。像教得榮觀，梵音思諦聽。種種悉求真，念念常持正。惡趣減貪瞋，善緣滋吉慶。廬山逸已寂，錢塘踵其盛。爾時聞唱導，伊予同贊詠。願作社中人，歸依慕清淨。

按，梁顥(963—1004)，字太素，鄆州須城(今山東東平)人。咸平三年知制誥。咸平五年(1002)爲翰林學士。《宋史》卷二九六有傳。《全宋詩》卷九六收其詩三首。

11. 翰林學士庫部郎中知制誥賜紫金魚袋朱昂(1/191)

祖意師傳得，多年別二林。游方雲納壤，掛錫草堂深。池小通泉脈，庭幽轉樹陰。湛然空寂境，誰見四禪心。

按，朱昂(925—1007)，字舉之。其先京兆漢陂(今陝西戶縣)人。真宗即位，爲知制誥。咸平二年爲翰林學士。《宋史》卷四三八有傳。《全宋詩》卷一四收其詩三首。

12. 度支使右諫議大夫梁鼎(2/818)

清淨華嚴海，圓明無上理。勞尋善知識，得在一彈指。佛真同一塵，情見有雙旨。春回千萬花，月上淺深水。宗雷播遺烈，寂寞將千禩。珍重常道人，爲予作依止。

按，梁鼎(955—1006)，字凝正，益州華陽(今四川成都)人。咸平五年(1002)爲度支使(《續資治通鑒長編》卷五二)，咸平六年由度支使右諫議大夫任陝西制置使(《續資治通鑒長編》卷五四)。《宋史》卷三百四有傳。《全宋詩》卷七二收其詩二首。

13. 翰林侍讀學士右諫議大夫潘慎修(1/293)

許結蓮華社，仍貽淨行篇。恭聞諸佛意，信是曩生緣。敢歎修持晚，甯慚解悟先。塵冠雖未掛，心已付眞筌。

按，潘慎修(937—1005)，字成德，泉州莆田(今屬福建)人。景德元年(1004)，爲右諫議大夫、翰林侍讀學士。《宋史》卷二九六有傳。《全宋詩》卷二一收其詩一首另兩句。

14. 翰林侍讀學士工部侍郎中賜紫金魚袋呂文仲(1/596)

常公方外士，道與虎溪鄰。共結東林社，遐招金馬人。世緣雖有累，心地本無塵。願比宗雷輩，香山托淨因。

按，呂文仲(?—1007?)，字宗源，歙州歙縣(今屬安徽)人。咸平二年(999)以工部侍郎爲翰林侍讀學士(《續資治通鑒長編》卷四五)。《宋史》卷三百六有傳。《全宋詩》卷五四收其詩二首。

15. 樞密直學士權三司使祠郎中賜紫金魚袋劉師道(2/982)

蓮社高僧舊出塵，好詩相寄許相親。才披淨行眞如理，頓悟浮生夢幻身。天竺倍勝廬嶽下，浙江遙讓虎溪濱。曾無嗜酒兼心亂，願繼當時十八人。

按，劉師道(961—1014)，字損之，又字宗聖，開封東明(今河南蘭考)人。咸平四年(1001)權三司使。《宋史》卷三〇四有傳。《全宋詩》卷八八收其殘句九聯。

16. 淨行弟子給事中知杭州軍府事張去華(1/298)

聞說東南多勝概，餘杭勝概最爲先。就中湖上昭慶寺，別是人間觀史天。僧有省常方結社，時多開士少差肩。夢中雙管辭華異，握內明珠戒行圓。朝客趨隅皆悟道，詩牌盈壁盡名賢。從師勵志通三學，潔行修心去十纏。秋閣靜吟成雅句，夜窗高論達眞詮。盤中旋摘經霜橘，池內惟開似雪蓮。野鳥散來聞磬韻，白雲飛盡見茶煙。看經每坐松間石，洗鉢常臨竹下泉。講處異花飄席上，齋時饑飢集階前。經聲遠出嵐光外，霞片高飛塔影邊。岩溜夜聞清夢寐，嶺梅寒謝浸漪漣。非時雷電生陰穀，欲雨虹蜺歛暮川。草疏硯中涵嶽影，擣衣石畔貼苔錢。身披壞衲聊終歲，手植青松不記年。相識公卿皆入社，旋吟章句已成編。伊余自愧非名士，到此尤欣親勝緣。因悟有爲能幾許，豈於浮世苦忙然。日高退食暫援筆，聊續群公淨行篇。

按，張去華(938—1006)，字信臣，開封襄邑(今河南睢縣)人。眞宗朝拜左諫議大夫，遷給事中。《宋史》卷三〇六有傳。《全宋詩》收其詩一首。

17. 朝奉大夫給事中上柱國賜紫金魚袋呂祐之(1/579)

竹院窗虛背海濤，雲房齋罷擁方袍。看經盡得華嚴理，妙品偏知淨行高。書畫筆和身血染，印成心爲法緣勞。上人先刺血書淨行品，然後招卿相結社。白蓮社好禪局遠，紅藥香邊屢郁陶。在綸閣日寄詩

按，呂祐之(947—1007)，字元吉，濟州巨野(今山東巨野)人。眞宗卽位，轉給事中。《宋史》卷二九六有傳。《全宋詩》卷五四收其詩二首。

18. 朝散大夫右諫議大夫知杭州軍府事賜紫金魚袋薛映(1/604)2首

導師訪我苦留連，密授華嚴淨行篇。久(++)禪庵似廬嶽，更招社客擬香蓮。人天依止法常住，水月澄明心本圓。自笑塵勞有羈鞅，未能高謝世間緣。

又：庭宇俗塵外，篇章世諦餘。人同雁門客，水似虎溪居。竹塢茶煙出，松廊磬韻虛。相期拂郡榻，爲講竺乾書。

按，薛映(951—1024)，字景陽，華陽(今四川成都)人。曾以右諫議大

夫知杭州(《續資治通鑒長編》卷六四)。《宋史》三〇五有傳。《全宋詩》卷五五收其詩八首另兩句。

19. 左諫議大夫賜紫金魚袋陳省華(1/451)

勞生都似夢，誰共歎流年。未有休官計，先吟結社篇。衣冠愁宦路，水石憶香蓮。預想雙林下，清風景寂然。

按，陳省華(939—1006)，字善則，閬州閬中(今屬四川)人。景德三年(1006)卒，終官爲左諫議大夫(《續資治通鑒長編》卷六三)。《全宋詩》卷四〇收其詩一首。

20. 右諫議大夫賜紫金魚袋馮起(2/976)

久聞高行悟眞乘，獨照昏衢慧炬明。欲覺群迷歸佛性，先刊淨品化人情。香燈宴坐虛堂寂，雲水閑披一納輕。他日金闈謝簪組，願依蓮社學無生。

按，馮起，治道二年，遷祠部郎中(《宋會要輯稿》儀制三之五)。咸平三年知梓州，徙襄州(《續資治通鑒長編》卷四七)。大中祥符七年(1014)，以戶部侍郎致仕(《續資治通鑒長編》卷八二)。《全宋詩》卷八八收其詩一首。

21. 右諫議大夫充史館修撰判館事田錫(1/455)

清淨蓮華業，傳持貝葉文。門招達士，寶運祝明君。想潔松溪月，吟高海嶠雲。宗雷結香社，譽藹若蘭芬。名儒巨賢有預淨社升師堂者，若入芝蘭之室。

按，缺字僅存下部，疑爲“金”字。田錫(940—1004)，字表聖，嘉州洪雅(今屬四川)人。咸平五年，擢右諫議大夫充，史館修撰。《宋史》卷二九三有傳。《全宋詩》卷四一收其詩六卷另二首。

22. 右諫議大夫賜紫金魚袋牛冕

脫落風塵愧昔賢，祖師消息未能詮。盡思西掖吟紅藥，誰肯東林種白蓮。軒冕也知身外物，利名爭禁世間緣。會須一報君恩了，去結劉雷學坐禪。

按，牛冕(945?—1008?)，字君儀，彭城(今屬徐州)人。咸平元年知益

州，仍右諫議大夫。《宋史》卷二七七有傳。《全宋詩》無牛冕其人其詩。

23. 起居舍人知制誥賜紫金魚袋李宗諤(2/1137)

名入蓮華社，心依淨行篇。班雖趨玉筍，夢已繞金田。會解利名縛，同修香火緣。西湖湖上月，秋影正嬋娟。南宮日入社詩

按，李宗諤(965—1013)，字昌武，饒陽(今屬河北)人。眞宗即位，拜起居舍人。遷知制誥，判集賢院。《宋史》卷二六五有傳。《全宋詩》收其詩十二首，《全宋詩訂補》補一首。

24. 左司諫知制誥賜紫金魚袋楊億(3/1319)2首

已向人間息萬緣，更無餘事可妨禪。有時采藥逢雲起，幾度吟詩值月圓。遊覽最憐天竺景，送迎寧過虎溪泉。遠大師送客不過虎溪。與師新結香燈社，應向西湖種白蓮。

又：師住西湖寺，苑庵在翠微。二林新結社，六祖舊傳衣。畫講天花落，秋吟木葉飛。石門曾有約，何日得相依。

按，楊億(947—1021)，字大年，建州浦城(今屬福建)人。咸平三年，拜左司諫。四年(1101)，知制誥。《宋史》卷三〇五有傳。《全宋詩》卷一一五收其詩八卷，《全宋詩訂補》補四首。

25. 刑部員外郎知制誥賜紫金魚袋丁謂(2/1143)

已悟何須傍水雲，未休終是利名身。會當蘭若親禪客，且向蓬山號史臣。開卷每尋莊子馬，援毫甯待仲尼麟。伊予冷笑陶彭澤，卻作蓮社外人。史館日入社。

按，丁謂(966—1037)，字謂之，後更字公言，長洲(今江蘇吳縣)人。《宋史》卷二八三有傳。《全宋詩》卷一〇一收其詩二卷，《全宋詩訂補》補五首另殘句兩則。

26. 水部員外郎知制誥同判吏部流內銓和(山+蒙)(1/603)

華嚴淨行許披尋，珍重吾師化導深。紅藥階邊雖系跡，白蓮社裏願歸心。情均慧遠招多士，道勝廬山列二林。靈鷲峰前遙稽首，幸因星使寄巴音。

按，和(山+蒙)(951—995)，字顯仁，浚儀(今河南開封)人。淳化三年，知制誥。至道元年，與王旦同判吏部銓。《宋史》卷四三九有傳。《全宋詩》卷五五收其詩一首。

27. 金州觀察使特進檢校太傅判和州錢儼(1/293)

常愛廬山淨社緣，眞風消喪近千年。空門今日生香象，聖代重聞結白蓮。血染兔毫書貝葉，像營牛首刻枯檀。上人刺血書華嚴經以旃檀香造毗盧像。十方菩薩同稱讚，八部龍神共繞旋。蒼筤影中香冉冉，芙蓉漏裏水涓涓。謝侯陶令慚名士，四輔三台盡社賢。瑞色可期金大地，飛花堪待雨諸天。若非方外希奇事，爭感文星運筆椽。翰林主人撰結社碑。

按，錢儼(937—1003)，本名弘信，後去弘名信，淳化初改今名，字誠允，臨安(今浙江杭州)人。太平興國二年，累授新、媯、儒、隨、金等州觀察使，出判和州。眞宗時，加檢校太傅。《宋史》卷四八〇有傳。《全宋詩》卷二一收其詩一首。

28. 三司戶部副使水部員外賜紫金魚袋崔端(2/830)

共將高趣擬東林，吉夢爭飛入翠岑。名姓預題香火社，軒車猶絆水雲心。禪宗旨遠天難極，聖主恩濃海未深。早晚功成遂前志，一船春色去相尋。

按，崔端，景德元年(1004)爲太常丞、戶部副使(《續資治通鑒長編》卷五六)。《全宋詩》卷七三收其詩一首。

29. 光祿少卿直秘閣上柱國黃夷簡(1/272)

廬山舊事何人繼，蓮社良緣達者知。花出淤泥無染處，水穿高陸有澄時。豈甘塵網相纏縛，須向空宗自脫離。珍重碧雲清淨侶，遠公前志不參差。

按，黃夷簡(935—1012)，字明舉，福州(今福建)人。至道二年(996)直秘閣。咸平中召試翰林。《全宋詩》卷一九收其詩一首另兩則殘聯。

30. 兩浙轉運使起居舍人直史館姚鉉(2/1176)

湖寺安禪處，杉蘿一徑陰。公卿蓮社遠，風雪草堂深。圓月眞空性，孤

雲淡泊心。翻經穿妙理，擁納動清吟。竹冷侵燈焰，溪閑度磬音。劉雷有高跡，終古振東林。

按，姚鉉(968—1020)，字寶之，合肥(今屬安徽)人。咸平三年，遷京東轉運使。《全宋詩》卷一〇三收其詩五首另兩句。

31. 兩浙轉運使起居舍人直史館孫何(2/978)

單殮歸朝恨解攜，杜衡秋晚更萋萋。高僧不必勞金錫，已送陶潛過虎溪。

按，孫何(961—1004)，字漢公，蔡州汝陽(今河南汝南)人。咸平三年爲京東轉運副使，未幾徙兩浙轉運使加起居舍人，景德初知制誥。《宋史》卷三〇六有傳。《全宋詩》卷八八收其詩十四首及殘句數則，其中兩首誤收陸遊詩，參《全宋詩訂補》。

32. 刑部郎中知揚州賜紫金魚袋王禹偁(2/653)

夢幻吾身是偶然，勞生四十又三年。任誇西掖吟紅藥，何似東林種白蓮。入定雪龕燈焰直，講經霜殿磬聲圓。謫官不得餘杭郡，空寄高僧結社篇。

按，王禹偁(954—1001)，字元之，濟州巨野(今山東巨野)人。《宋史》卷二九三有傳。《全宋詩》卷五九收其詩十三卷及部分殘句，《全宋詩訂補》補三首另殘句一則。此詩載《全宋詩》卷六六第757頁

33. 金部郎中直昭館賜紫金魚袋安德裕(1/454)

早歲因中貴，高名乃著聞。經傳麟殿客，僧在鷲峰雲。水寺秋彌好，沙鷗日與群。載過林下者，爲我致斯文。

按，安德裕(940—1002)，字益之，一字師臯，河南(今河南洛陽)人。《宋史》卷四四〇有傳。《全宋詩》卷四〇收其詩一首。

34. 度支郎中知蘇州賜紫金魚袋裴莊

白蓮社結浙江臯，社主詩來誘我曹。佛性悟遲霜簡重，報身緣在雪山高。春爐煮筍牽思夢，秋鼎烹茶隔夜濤。他日會須同問疾，雁飛時且寄風騷。

按，裴莊，字端已，閬州閬中(今屬四川)人。眞宗即位遷度支充河東轉

運使，未幾移知蘇州。咸平二年，命巡撫江南使。《宋史》卷二七七有傳。《全宋詩》無其人其詩。

35. 主客郎中知湖州賜紫金魚袋謝泌(1/597)

虎溪人散後，茲會竟誰尋。未及訪師話，遙承傳佛心。焚香披靜夜，進道惜分陰。不比陶潛醉，時時願寄音。上土寄佳什兼示淨行經

按，謝泌(950—1012)，字宗源，歙州歙縣(今屬安徽)人。太宗時，出知湖州，再遷主客郎中，知虢州。《宋史》卷三〇六有傳。《全宋詩》卷五四收其詩二首。

36. 工部郎中直史館賜緋魚袋宋鑄

老學劉雷結淨因，世間榮辱事紛紛。靜憐有像池中月，閑愛無心嶺上雲。金殿曉燈和霧見，石樓寒磬隔松聞。投簪願入蓮華社，虔奉真檀一炷薰。

按，宋鑄，咸平元年曾以左正言使交州(《續資治通鑿長編》卷三一)。

37. 弟子屯田郎中賜紫金魚袋楊延慶

彼岸超來了二宗，名傳金闕與誰同。詩成雪夜招卿相，笑指猿聲喻苦空。定水瑩澄三界外，心燈照耀六塵中。粉闈蘭省終辭去，他日焚香事遠公。

按，楊延慶，咸平元年曾為屯田郎中(《續資治通鑿長編》卷四三)。

38. 屯田郎中通判杭州賜緋魚袋李韶(1/251)

珍重吾師宗淨行，誘為蓮社悟空人。筭來宦路修心者，便是禪門達道身。到岸因緣雖有徑，忘筌根性本無塵。老年若遂歸休計，重詣金田一問津。

按，李韶，宋初郴州(今屬湖南)人。咸平五年任都官郎中(《續資治通鑿長編》卷五三)《全宋詩》卷一七收其詩一首。

39. 尚書水部郎中公孫旦(4/2693)

逐利貪名四十年，事餘方省誤前緣。焚香願學菩提道，結社期生兜率天。掛印會居青脛裏，掃壇須向二林邊。幸逢聖主過堯舜，正好思歸效

昔賢。

按，孫旦，潁昌府長社(今河南許昌)人。《全宋詩》卷二二九收其詩一首。

40. 門弟子水部員外郎中知湖州賜緋魚袋杜惟一

浮生擾擾利名間，覺性迷昏嗜欲纏。不向空門求解脫，更於何處結因緣。師容參預西湖社，吟惠清奇大雅篇。企望升堂為弟子，堅持淨行答高賢。

按，杜惟一，大中祥符間曾任庫部郎中(《江西通志》卷四六)。

41. 門弟子司門郎中致仕賜紫金魚袋胡承袞

解印東歸向釋天，談真還喜慰垂年。碧雲好句何人繼，白足高名幾處傳。曾是多聞資了義，豈須默坐事安禪。舊山今又開蓮社，終約隨緣註寶煙。

按，胡承袞，未詳。

42. 京西轉運使工部郎中賜紫金魚袋康戩

珍重餘杭社，高蹤繼二林。結緣傳寶偈，刺血寫淨行品結社緣故有此句。招士寄清吟。特貽嘉什見招，故有是句。久禁淵明酒，長齋靈運心。若求同道者，何必芥投針。

按，康戩(?—1006)，字休祐，高麗信州永寧人(《宋史》卷四八七)，太平興國五年登進士第，太宗時知峽州詔褒其能(《大清一統志》卷二七三)。至道三年任關東轉運使(《宋史》卷六三)。曾為轉運使加工部郎中賜金紫(《宋史》卷四八七)。咸平五年九月以兵部員外郎知秀州(《會稽志》卷三)。“故京西轉運使工部郎中康戩子希齡為奉禮郎給俸終喪”(《續資治通鑿長編》卷六二)。

43. 左司諫賜紫金魚袋張賀

淨行吾師旨趣深，社中因對遠公吟。傳時偶得珠為性，講處多應月在心。濟物不妨雲漠漠，殊功那測海沉沉。重熙我有明天子，報了長來臥二林。

按，咸平六年，屯田郎中楊覃為陝西轉運使，左司諫張賀副之(《續資治通鑿長編》卷五四、《宋史》卷三〇四)。

44. 右司諫通判餘杭郡事錢熙(1/636)

寺在西湖右岸旁，謫然名價動諸方。一千弟子依蓮社，八十眞僧會草堂。龕鎖雨燈寒照耀，塔搖風鐸晚丁當。我今發願歸何處，淨行時看四五行。

按，錢熙(953—1000)，字大雅，泉州南安(今屬福建)人。眞宗即位，遷右司諫，同判杭州。《宋史》卷四四〇有傳。《全宋詩》卷五八收其詩五首另兩句。

45. 戶部員外郎直史館賜紫金魚袋曾致堯(1/579)

海國書來盱水湄，許同蓮社更何疑。應非今世安排我，定是前生際會師。陶令已能體飲酒，謝公爭禁愛吟詩。不知一會千餘客，顧此行藏得似誰。

按，曾致堯(947—1012)，字正臣，撫州南豐(今屬江西)人。咸平三年，以主客員外郎直史館曾致堯爲戶部員外郎(《續資治通鑒長編》卷四七)。五年，爲邠甯等路經略判官，賜金紫(《續資治通鑒長編》卷五一)。《宋史》卷四四一有傳。《全宋詩》卷五四收其詩六首及殘句數聯。

46. 刑部員外郎直史館賜緋魚袋張復(2/977)

千衆修持結善因，導師相誘出凡塵。華嚴品內思眞諦，清淨緣中託病身。已悟精勤爲上行，便嫌煩惱是迷津。卻嗤昔日廬山社，寂寞唯聞十八人。

按，張復，字元陽，開封(今屬河南)人。大中祥符七年，刑部郎中直史館張復責受工部郎中(《續資治通鑒長編》卷八三)。《全宋詩》卷八八收其詩一首。

47. 江南轉運使刑部員外郎直史館賜紫金魚袋陳靖(1/586)

寺枕西湖面，池栽白藕親。有僧同慧遠，邀我作遺民。格淡渾如水，譚高迥絕塵。堪嗤陶靜節，空與虎溪鄰。

按，陳靖(948—1025)，字道卿，莆田(今屬福建)人。咸平五年，任江南轉運使刑部員外郎直史館(《續資治通鑒長編》卷五一)。《宋史》卷四二六有傳。《全宋詩》卷五四收其詩兩首另殘句兩聯。

48. 門弟子刑部員外郎直史館知衢州賜緋魚袋席義叟(2/834)

欲拋煩惱出迷津，薄宦浮名絆此身。碧嶂紅泉雖有路，白蓮香社少逢人。湖邊偶話心無染，林下相招道更親。他日重來虎溪畔，過橋應未厭遺民。

按，席義叟，太原人(《續資治通鑒長編》卷十三)。曾任太常博士。太宗時知衢州。《全宋詩》卷七三收其詩十首，《全宋詩訂補》補六首。

49. 淨行弟子祠部員外郎通判杭州賜緋魚袋張覃

廬山之社，廢亦久矣。自晉宋已降，曆千百祀，而無繼者，獨淨行常公，傑出前古，了然高見，慕清淨侶，成白蓮社。泊公卿大夫，名儒巨賢，聞之者鮮不預焉，況同儕乎。彼宗炳遺民，不足先也。一日惠然見顧，示愚淨行品。僕不覺稽首而言曰：“早有斯志，今契夙願。雖君親未報，其可捨諸因。吟惡詩一章，用伸多幸，伏惟采覽。”

東林芳社數多時，綿曆千年繼者誰。前事道孤雖已矣，高人心在肯忘之。幻泡光景成深悟，香火因緣契夙期。珍重吾師示方便，不教遠憶白蓮池。

按，張覃，南陽人。太平五年登進士第。雍熙間知洪州(《江西通志》卷四六)。

50. 祠部員外郎通判杭州賜緋魚袋張肅

高僧來訪塵埃吏，結作蓮華社裏人。事佛已甘輸上士，致君終是愧良臣。掛冠會約雲隨步，琢句長憐月滿身。必竟男兒須早悟，一生名宦易因循。

按，張肅，未詳。《全宋詩》(4/2316)卷二〇二有張肅，其人慶曆、皇祐猶在世，與本詩作者似非一人。

51. 都官員外郎秘閣校理掌起居舍人事吳淑(1/577)

禪師濟物有深仁，千里尋求結淨因。貝葉寫經勞見寄，虎溪投分願相親。雖雲吏隱金門下，已絕機心漢水濱。從此精勤便修習，他年期遂拂衣塵。

按，吳淑(947—1002)，字正儀，潤州丹陽(今屬江蘇)人。咸平四年時曾任職方員外郎秘閣校理(《續資治通鑒長編》卷四九)。《宋史》卷四四一有傳。《全宋詩》卷五四收其詩二首另兩句。

52. 弟子都官員外郎賜緋魚袋張振

餘杭能選勝，物外聚禪心。積翠松生石，涵虛地布金。僧門已清淨，蓮社轉高深。何必虎溪月，寒光近二林。

按，張振，未詳。

53. 工部員外郎直史館賜緋魚袋朱台符(2/1136)

大乘了教，莫過於《華嚴經》；華嚴密旨，無先於淨行品。結而為社，印而施人，語其利益，不亦博乎。予方歸依，以偈贊曰：

大方廣佛契經文，此品調心理趣真。俱坐道場無事客，共游華藏有緣人。一言懸解都忘像，萬行圓修不染塵。慚愧此生逢善友，願同香火結良因。

按，朱台符(965—1006)，字拱正，眉山(今屬四川)人。咸平六年為鹽鐵判官(《續資治通鑒長編》卷五五)，景德元年，“以度支判官工部員外郎直史館朱台符代之”(《續資治通鑒長編》卷五六)《宋史》卷三〇六有傳。《全宋詩》卷一百收其詩兩首。

54. 比部員外郎知衢州賜緋魚袋阮思道(1/197)

導師憐我苦營營，為指空門出世情。貝葉經中容問法，蓮華社裏許留名。心遊淨域愁難入，目想靈山夢亦清。聖代會酬明主惠，雲林相與論無生。

按，阮思道，字元恭，建陽(今屬福建)人。南唐進士。如宋後為史館檢討，曆知紹、衢、永三州(《建陽縣志》卷七)。《全宋詩》卷一四收其詩二首。

55. 主客員外郎直集賢院賜緋魚袋李建中(1/510)2首

十八高人事，廬山舊社名。知師愛遺跡，重為振芳聲。西域圖書異，東林氣象清。自慚心亂者，詎可接賢卿。

又：樓高湖色平，湖上問山名。半日杉松寺，滿簾風雪聲。定交除水淡，

賦物即詩清。大有閑題句，時將寄竺卿。

按，李建中(954—1013)，字得中，其先京兆(今陝西西安)人，後移居洛陽(今屬河南)。《宋史》卷四四一有傳。《全宋詩》卷四七收其詩十九首。

56. 屯田員外郎判三句院事杜夢征

常師社主，釋宗之翹楚也。以廬遠先躅，為結社之由。自是王公大人，泊群儒開士，靡不欣然知歸，夢征夙契所諧，遠承善誘，因抒惡詩一章攀贈，庶達乎意。

常師悟道悉稱雄，慧遠芳名亦未同。廬岳昔年聞勝事，西湖今日仰真風。雲龕禮像諸緣寂，雪屋開禪一念空。深謝高人善相誘，頓教塵世脫牢籠。

按，小序中“抒惡詩”，原作“杼惡詩”，今改。杜夢征，仁宗時知台州(《浙江通志》卷一一五)。

57. 度支判官左正言直史館趙況(3/1723)

一法無私萬法成，便嫌塵土滿簪纓。未甘掉臂辜明主，已學灰心事竺卿。寒塔影中期寂然，白蓮香裏待經行。不同陶令多沉醉，虛負當年結社名。予素不飲酒。

按，趙況，天水(今屬甘肅)人。《全宋詩》卷一五二收其詩一首。

58. 屯田員外郎賜緋魚袋李虛己(2/844)

淨行修心示品題，上方歸與野雲棲。山輝良璞曾欺火，蓮葉清香不在泥。三界真風流海內，一輪寒月照湖西。只應送客思前事，旁指耶溪是虎溪。

按，李虛己(956?—1024?)，字公受，建安(今福建建甌)人。《宋史》卷三百有傳。《全宋詩》卷七三收其詩八首。

59. 比部員外郎賜緋魚袋竇元賓

浮休萬事總忘筌，景慕高奇繼昔賢。禪觀真空除亂意，社名清淨結良緣。修心不倦為山峻，勵志終期劫石穿。多謝遠公垂善誘，免教塵網苦

羈牽。

按，竇元賓，五代漢宰相正固之孫(《文忠集》卷一百二十七)。與王禹偁交善，王有詩云：“惟有南宮竇員外，爲余垂淚閣門前”(《玉壺野史》卷四)

60. 虞部員外郎賜緋魚袋馮亮

職散身多暇，天教養不才。更無消日處，除是訪師來。夜閣千山月，秋庭一院苔。空門素留意，蓮社喜重開。

按，咸平三年，任虞部員外郎(《續資治通鑒長編》卷四七)。景德三年任度支員外郎(《長編》卷六二)

61. 門弟子虞部員外郎賜緋魚袋趙幹

勞生名官蓋纏深，幾歎蹉跎雪鬢侵。久奉十齋希淨行，新求一偈願清心。導師已悟華嚴旨，弟子宜將貝葉尋。況值相君同入社，芳蹤寧肯讓東林。

按，趙幹，未詳。

62. 水部員外郎賜緋魚袋劉象

結社初成競喜聞，錢塘高壓虎溪塵。榮今不啻一千衆，陋古唯傳十八人。行比白蓮生淨域，道同浮筏出迷津。愚非嗜酒兼心亂，願示華嚴香火因。

按，劉象，未詳。

63. 太常博士諸路都大提點賜緋魚袋榮宗範

師住湖心寺，精修淨行功。眼前無俗慮，言下有真風。結社邀靈運，重名繼遠公。不才承化導，慚預衆賢中。

按，榮宗範，濟州任城人(《浙江通志》卷一百十四)。眞宗時知鉛山縣(《大清一統志》卷二四二)。

64. 監察御史知撫州賜緋魚袋崔憲

吾師三十臘，結社向西湖。峻節動朝彥，高名滿帝都。波光寒隔越，山色翠連吳。借問非才者，堪爲弟子無。

按，崔憲，曾任荆湖南路轉運使，景德二年任監察御史(《續資治通鑒長編》卷十九)。

65. 太常博士通判杭州事張歧

通守餘杭未數旬，禪問高許相親。遍看丹桂馳名者，半是白蓮結社人。壘壘碧山窗外境，悠悠綠水檻前春。頻偷公暇來嘉賞，淨行精修躡後塵。

按，張歧，未詳。

66. 太常丞直集賢院賜緋魚袋梅詢(2/1116)

明聖湖邊社客房，白蓮圍徑竹圍牆。公卿遠遠爭投跡，猿鳥紛紛自著行。山飯曉烹葦線滑，地爐寒燒柏仁香。多慚未決歸休計，愁聽疏鐘在帝鄉。

按，梅詢(964—1041)，字昌言，宣州宣城(今屬安徽)人。咸平四年爲太常丞直集賢院。五年爲戶部判官。《宋史》卷三〇一有傳。《全宋詩》卷九九收其詩二十八首，《全宋詩訂補》補一首。

67. 太常博士通判刑湖州何敏中

珍重高人布教勤，東林前跡揜芳塵。爲嗟浮世居煩網，卻集群賢結淨因。紺殿名刊貞石遠，碧波香湛白蓮新。伊予本是修心侶，寂觀忘緣喜有鄰。

按，何敏中，祥符年間曾任屯田員外郎(《宋史》卷六二)。

68. 太常博士賜緋魚袋李易直

秋來乘傳過餘杭，識得高僧號省常。淨行衆中容入社，遠公庵裏許安床。每因林下譚眞諦，多使爐間爇異香。宗炳片心誰共說，草堂西望路岐長。

按，李易直，太宗時任山陰令(《燕翼彙編》卷二)，咸平三年爲秘書丞(《續資治通鑒長編》卷四七)，咸平五年由太常博士知益州(《續資治通鑒長編》卷五二)。

69. 監察御史賜緋魚袋艾仲儒

南方蓮社久無聞，重喜餘杭遇勝因。招我欲爲高尚侶，愧君不是利名身。樓當列岫窗含翠，寺枕澄湖路少塵。莫笑未拋簪組累，心中還作道場人。

按，艾仲儒，咸平四年爲監察御史(《文獻通考》卷一三〇)。

70. 弟子秘書丞梁昭璉

廬山重結舊知音，何幸幽人忝繼臨。青桂有名須許國，白蓮無染誓歸心。鳳池宰相吟詩贈，龍節賢侯冒雪尋。盡與遠公爲密友，他年雲水是東林。

按，梁昭璉，未詳。

71. 太常丞徐□

院枕湖光碧，餘杭古郡西。佛乘誰入社，朝貴遍留題。濟俗寧忘念，投機爲指迷。剎那心如是，應不待輪蹄。

按，徐□，未詳。

72. 殿中丞賜緋魚袋趙稹

平生煩惱火炎炎，今日清涼雨露霑。主社高僧宗慧遠，結緣奇士笑陶潛。每思勝地空開卷，幾望靈山誤捲簾。竹院草堂終是去，到頭名利屬無厭。

按，趙稹(?—1038)，字表微，其先單父人，後徙宣城。通判楚州，遷殿中丞。景德二年，以前知通州殿中丞與趙湘同判宗正寺(《續資治通鑒長編》卷六〇)。《宋史》卷二八八有傳。

73. 殿中丞知南康軍事賜緋魚袋方演

遠公書筍到江濱，勝事如何並在身。黃石岩前爲長吏，白蓮社裏作高人。路穿松影苔錢潤，門枕湖光柳線勻。定約乘輶尋此境，預愁才不似遺民。

按，方演，《全宋詩訂補》據《天臺續集》卷上補《送張無夢歸天臺》詩兩首，惟小傳云治平四年(1067)進士，則恐與本處之方演非一人。然所補詩無誤，當爲同人所作。

74. 殿中丞賜緋魚袋張瓘

蓮宮萬景寂，塵慮固難侵。不到青虛地，寧生靜勝心。靈輕穿竹徑，月冷鎖松陰。終約擊塵網，須陪香社音。

按，張瓘，咸平五年爲國子博士(《續資治通鑒長編》卷五三)。

75. 弟子殿中丞知韶州龔綬

慧遠遺蹤幾百年，吾師心是祖師傳。化人重結蓮華會，刺血先書淨行篇。朝客寄詩求入社，草堂無事自安禪。我今已有歸依願，待報君恩了息肩。

按，遺蹤，原作“遺縱”，今改。龔綬，曾知韶州(《廣東通志》卷二六)。景德四年國子博士通判台州(《續資治通鑒長編》卷六五)。

76. 光祿寺丞直史館知陸州張庶凝

高僧誘我欲歸真，預結蓮華社裏人。曉闕毗廬經呪靜，夜飛天竺夢魂新。方提政筆酬明主，將扇淳風化俗民。待贊升平功業就，掛冠終作謝公身。

按，張庶凝，眞宗即位賜進士出身直史館，官至太常丞(《宋史》卷二八七)。又曾知婺州(《浙江通志》卷一一五)。

77. 掌秘閣三館書籍兼兵吏部僉署起居院事裴愈(3/1720)

相逢期結社，結社似東林。敢把眞眞性，無生物物心。晝閑秋室靜，時展梵書尋。慧遠堪珍重，招賢化導深。

按，裴愈，字益之，四川資州人，眞宗朝宦官。咸平元年監三館秘閣書籍，(《續資治通鑒長編》卷四三)。《全宋詩》卷一五二收其殘句兩聯。

78. 著作佐郎通判洪州崔拱

能詩禪客和新吟，豈羨殘霞照栗林。樓上晚來搜遠景，水連空際度飛禽。三千何必拘微行，四十元知不動心。許我社中稱弟子，願持織木和鐘音。

按，崔拱，端拱二年進士，官至太常丞(《福建通志》卷三三)。至道元年知潮州軍事(《廣東通志》卷二六)。

79. 濟陽丁遜

靈隱山前浙水湄，高蹤今已四方知。苦吟擬敵湯從事，結社還同遠法師。篆名待刊名士記，粉牌多掛達官詩。伊予未似劉雷輩，爲戀東堂桂一枝。今直集賢。

按，小注“集賢”，原作“集仙”，今改。丁遜，咸平四年，以成安縣主簿應制，為光祿寺丞直集賢院（《續資治通鑒長編》卷四六）。

80. 著者佐郎李見素

碧沼涵霜月，師心淨一般。世徒行不到，塵垢著應難。夜室敲金磬，朝爐炷白檀。許從廬嶽會，青眼異相看。

按，李見素，淳化進士（《四川通志》卷三三）。天禧中孫冕作詩云：“人生七十鬼為鄰，已覺風光屬別人。……去年河北曾逢李，今日淮西又見陳”（《詩話總龜》卷五）。“李”即指見素。其時李已致仕，可知其大致年齡。

81. 舊交守棘丞樂良

西湖湖上舊知音，今日相適見夙心。結社首聞招上相，有詩何必羨東林。十年香火誠無替，一錫煙霞尚遍尋。珍重昌期巽僧史，嘉師淨行是真金。按，樂良，未詳。

82. 著作郎潘金庭

昔年陶令醉昏昏，不預東林結社人。淨行會成當此日，一千名裏許容身。遠公盛事中典好，智首清潭得意親。為報後來持念者，本源深旨莫因循。

按，潘金庭，未詳。

83. 前進士鄭載

新詩相寄出深雲，招我東林結淨因。懶學陶潛為醉令，喜同宗炳作高人。禪餘風磬敲殘月，講徹山花落盡春。香火他年雖共老，社中文價愧遺民。

按，鄭載，天聖末知福州，以循良稱。（《明一統志》卷七四、《福建通志》卷二九）

84. 前進士葛昭華

修道焚香一室間，年來未省出禪關。池涵夜月同心淨，簷掛秋雲比性閑。寒聽玉聲臨砌竹，令今嵐翠對湖山。知師許入蓮華社，不厭攜筇繼往還。

按，令今，原文如此，疑當作“冷吟”。葛昭華，江陰人，淳化進士，大理寺丞（《萬姓統譜》卷一一七、《江南通志》卷一一九）。

85. 杭州節度推官陸曠

松枯雲老揜禪關，每接卑官亦破顏。庵冷夜疑生雨雹，枕高秋覺剩湖山。非因省語添餘僻，卻為偷吟減舊閑。珍重時賢樂香社，唱酬詩句滿人間。按，陸曠，不詳。

86. 蘇台從事程瓘

遠公亡後少知音，盛事曠來歲月深。不有達人重結社，爭教朝士肯歸心。聖朝卿相鹹寄詩入社，稱門弟子焉。清虛靜對湖中水，堅固閑思海上岑。若問修行同道者，儒林功業似禪林。

按，程瓘，博野人（《畿輔通志》卷六一）。

87. 前進士段惟慶

幾羨居深院，禪餘遂性情。繞庵寒竹深，當戶遠山橫。坐石衣多潤，聽濤骨更清。疏和霜葉卷，錫帶嶽煙擎。按滑粘秋蘇，簷疎蔭古檉。凍瓶連野色，寒磬雜泉聲。夜講潭龍聽，辰齋郡守迎。詩多傳館閣，琴愛借公卿。枕膩堂侵草，棋香檻落棖。獸馴臨徑臥，猿熟上階行。苔漬碑將剝，莎荒井半平。細思蓮社裏，應許我題名。

按，段惟慶，不詳。

88. 前進士李堪(2/1131)

麗藻新詞傳北闕，白蓮舊社結西湖。已知慧遠清風嗣，不見湯休雅道孤。多士慕名投勝概，群生聞法離迷途。我今雖佩陶潛印，莫謂難留是酒徒。堪今任古田令。

按，李堪(956—?)，字仲任，號平坡，常州(今屬江蘇)人。景德二年知古田縣，大中祥符為秘書丞。民國《古田縣志》卷三三有傳。《全宋詩》卷一百收其詩十八首另數則殘句（《全宋詩訂補》指出一則重收）。

89. 新城縣令孫珏

夙□仰高道，筭來非偶然。已容陪社籍，還喜預朝賢。淨種終須植，真

機亦可傳。如斯承化誘，豈是一生緣。

按，缺字下部爲“日”，疑爲“昔”字。孫珣，未詳。

90. 龍游縣令呂士安

珍重廬山社已成，社中招得盡公卿。伊予不比陶潛醉，願向青衿預一名。

按，呂士安，未詳。

< 參考文獻 >

祝尙書, 《宋初白蓮社考論》, 《文獻》, 1995年 第三期.

歐陽光, 《宋元詩社研究叢稿》, 廣東高等教育出版社, 1996.

池澤滋子, 《丁謂研究》(第五章第二節“丁謂與西湖白蓮社”), 巴蜀書社, 1998.

祝尙書, 《宋人總集敘錄》(附錄“散佚宋人總集考、西湖蓮社集”), 中華書局, 2004.

《大正大學大學院研究論集》, 1999年, 第二十一號.

錄文見佐藤成順, 《宋代佛教研究元照的淨土教》, 山喜房佛書林, 2003.

< 국문요약 >

이 논문은 韓國에 所藏된 《杭州西湖昭慶寺結蓮社集》을 발굴하고 그 문헌적 가치에 대한 진일보한 연구를 진행한 것이다. 《杭州西湖昭慶寺結蓮社集》의 가치를 입증하기 위해 《相國向公諸賢入社詩》를 校勘하여 그 객관적 진실을 더하고자 하였다. 이와 같은 작업을 통해 중국과 일본을 비롯한 해외 중국학 연구자들에게 소개하여 한국에 소장된 귀중한 중국관련 한적을 세계적으로 알릴 수 있을 것이다.

중심어: 문헌, 가치, 발굴, 비교 대조, 소장, 고적, 《杭州西湖昭慶寺結蓮社集》, 《新唐書》

원고접수일	심사일정	1차수정	게재확정	출간
2008. 7. 12	2008. 8. 1	2008. 8. 15	2008. 9. 20	2008. 9. 30